

KONTAKT

KYRKJEBLADET FOR MELAND · NR. 1/24 · 34. ÅRGANG

Støtt Kirkens Nødhjelps fasteaksjon

HÅP I EIN DRÅPE VATN

Les side 2-3 og 8-9

v:pps til **2426**



KIRKENS NØDHJELP
actalliance

Fordi det er kjekt!

Tekst: Anne Sofie Uthaug

Foto: Maria Sæle, Anne Sofie og Arve Kjell Uthaug

I fastetida – perioden frå 18.februar til 17.mars er det fasteaksjon i Meland. Det er kanskje ikkje så vanleg å tenke at innsamling til nauda i verda er noko gøy. Men diakon Ruben Sæle og trusopplærar Anne Marit Fosse Dahle seier begge at «fasteaksjon er både kjekt og sosialt». Dei ulike aktivitetane i Meland sin fasteaksjon er prega av at deltakarane får gode og artige opplevingar, samtidig som ein samlar inn pengar til viktig hjelp til folk i nød. Og det blir noko å vere med på for både unge og gamle og alle midt i mellom.

Det første som skjer er at 4. klassingane som bur i Sagstadkrinsen, og som er registrert hos kyrkja som døypte eller interesserte, får invitasjon til to samlingar etter skuletid og ei gudsteneste med «Marked for rettferdighet» søndag 10.mars. Borna får reflektere om urettferdighet i verda og får prøve rollespel om korleis det kjennest når ting er urettferdig fordelt. Gudstenesta er kl. 11.00, men delt opp i to delar med utandørs marknad midt i gudstenesta. Og der kjem 10-åringane til å ha ulike bodar og aktivitetar som dei har planlagt sjølve, og som gir inntekter til fasteaksjonen. Barnekoret Levande Lys blir med. Denne gudstenesta er sjølvstøtt og open for alle, og er spesielt lagt opp til barn og familiar.

Onsdag 13.mars kl. 18.00 vert månadens onsdagskonsert preg av fasteaksjonen, både i bilde, tekstar og tonar. Sekretæren vår på kyrkjekontoret Gyda Matland, som på fritida er rekna som i verdstoppen som utøvar på flygelhorn og solist i Eikanger Bjørsvik musikklag, skal saman med vår gode kyrkjemusikar Magnus Blom framføre ulike musikkstykker som passar til temaet. Det blir også med tekstlesarar. Og gåveinntekta går til fasteaksjonen.

Laurdag 16.mars vert Frekhaug senter arenaen for fasteaksjonsdagen. Diakoniutvalet planlegg dette, og det blir i alle fall kafe, sykkelvedlikehald, bålpanne og nokre artige aktivitetar elles, fortel Ruben, så følg med på informasjonen.

Søndagen etterpå 17.mars kl. 11.00 vert det konfirmantane sin store



Løva reklamerer for fasteaksjonsdagen 2022



Agentar med kakesal på marknaden i 2022

fasteaksjonsdag og for første gong vil ein ha sponsorløp, fortel diakonen. Då kan konfirmandane be om å få sponsorar og så må dei sjå kva dei kan samle inn ved å springe ein tur. Gudstenesta den dagen vert også delt i to, med sponsorløpet i midten. Ruben håpar nokre vil kle seg ut og at det blir eit sponsorløp som vert morsomt å sjå på for foreldre, besteforeldre og anna kyrkjefolk.

Men kor har det blitt av bøsse?, spør Kontakt. -Vi har

slutta med bøsseaksjon, fordi folk i liten grad har kontantar på seg og det vart etterkvart tungt for konfirmandar og andre å samle inn på den tradisjonelle måten, seier Ruben. I fjor fekk vi inn 117.000 på dei nye aktivitetane, rett nok færre aktivitetar enn i år, så vi håpar at årets fasteaksjon skal gi ny rekord, avsluttar han.



Sal av småting i gapahuken.

Det går an å gje no!
Send SMS med kodeord VANN til 2426 og du gir 300 kr. Dette er nok pengar for Kirkens Nødhjelp til å gje reint vatn til ein person. Eller du kan vippse valfritt beløp til 2426.



Agent August sel eigenproduserte ting.

SKARSVÅG
Rør og Interiør as

Telefon: 56 17 07 10 Telefaks: 56 17 07 11
Besøksadresse og Postadresse:
Melandsvegen 15, 5918 FREKHAUG

Mandag-Fredag 08.00-16.00 Lørdag : STENGT

For avtale etter kl. 16.00 alle hverdager,
ta kontakt på telefon: 56 17 07 10



Sykkelvedlikehald blir ein del av nyttige aktivitetar på aksjonsdagen.

Meland Auto AS
Autorisert bilverkstad
www.melandauto.no

MCA

ALT I CATERING
NORDHORDLAND FOLKEHØGSKULE
www.catering.com • tlf. 56 17 43 23


GLØDE
Arbeids- og Kompetansesenter

Vi tilbyr utleige av flotte festlokale og har gode cateringtilbod til dåp, konfirmasjon, jubileum og minnesamvær.
Sjå www.glode.no eller ta kontakt på 56 17 58 00

Nye konfirmantar

Foto: Daniel Kydland, Håkon Kinsarvik og Anne Sofie Uthaug

Konfirmantane våre har blitt presentert i kyrkja i januar, og dei fleste har vore på leir på Fjell-ly i februar. Her er nokre glimt.



Frå kyrkjebenken

Tekst og bilete: Marianne Dørum Gangås

– *Kor lenge har du vore aktiv i kyrkjelyden*

– Jeg har bare vært med litt, fordi vi flyttet til Vestlandet for vel 5 år siden. Jeg kommer opprinnelig fra Oppdal, men har bodd aller lengst i Orkdal, sørvest for Trondheim. Vi kom flyttende hit til bygda fordi våre tre barn har bosatt seg her i Bergensområdet, og det var det som bidro til at vi flytta etter. Vi trives godt her i vest, og været klager vi ikke på! Det regner andre steder også!

– *Kva set du mest pris på ved kyrkjelyden vår?*

– Det er lett å bli kjent med andre. Jeg er med i koret TeDeum og det er en flott inngangsport til det kirkelige liv i Osterfjorden. I TeDeum er det en fin gjeng med forskjellig bakgrunn, men med felles glede i sangen og musikken. Vi har konserter og deltar ofte i gudstjenestene på Ostereidet. Det er et varmt og godt felleskap.

– *Korleis vil du skildre kyrkja?*

– Kirkebygget er nytt og fint, lyst og innbydende. Har fått forståelse for at det er greit å samarbeide med organisasjoner rundt oss og det er bra! Slik er jeg oppvokst med og vant med, og vi har et felles mål: å fortelle andre om Jesus! Det viktigste er at han er hovedpersonen. Og da er det greit at vi ikke gir ytterligheter mer oppmerksomhet enn samhold og felleskap.

– *Kva salme syng du gjerne for tida?*

– «Jeg er i Herrens hender», tekst: Erling Tobiassen, musikk: Sigurd Lunde. Dette er en salme om livet, trøst, hjelp og håp.

– *Kva kjenneteiknar ein god kyrkjekaffi?*

– En god kirkekaffe må ha en god prat eller samtale. Og det er en fin mulighet til å bli kjent med nye mennesker.



FAKTA:

Namn: Marianne Dørum Gangås

Alder: 67 år

Bustad: Leknes, midt i mellom Knarvik og Ostereidet

Yrke: Pensjonist

**Knarvik
Blomsterstove**



Kvassnesvegen 11 – 5914 Isdalstø
Tlf: 56 35 62 20 – www.knarvikblomsterstove.no

 **NORDHORDLAND
BEGRAVELSESBYRÅ** Ditt lokale
gravferdsbyrå

ALLTID HER FOR
deg


DU NÅR OSS PÅ TLF. 56 37 14 10 - 56 99 25 70

Kyrkjevegen 1 Alversund Havnevegen 31 Frekhaug Elvavegen 1 Dalekvam

VATNE
begravelsesbyrå 

Tlf: **56 35 09 10** (24t)
Kvassnesvegen 11, 5914 Isdalsbø

vatne-byra.no



2024 – eit stort jubileumsår for vår kyrkje «Feira fortid – forma framtid»

Tekst: Øystein Skauge · Foto: Vestland Media. Peter Tubaas

Bildet av dei fire søstrene er måla av kunstnar Anne Hesvik. (Foto: Bjørgvin bispedøme)

Året vi no har starta på vert eit viktig jubileumsår for å markere kyrkja sin plass i, og sin påverknad av, det norske samfunnet. Det har gått 1000 år sidan Kristenretten vart vedteken på tinget på Moster i Sunnhordland.

Samstundes er det 750 år sidan landet vårt fekk kong Magnus Lagabøte si landslov. Dette er to hendingar som i stor grad har forma Norge til den nasjonen vi er i dag. Begge delar skal feirast i nasjonale jubileum gjennom det som vert omtala som Verdiåret 2024.

I våre kyrkjeblad her i Alver vil vi fram gjennom året kome tilbake til ulike sider ved jubilea.

Mykje av det vi kjem til å skrive, vil vere henta direkte frå heimesidene for MOSTER 2024 <https://moster2024.no/> og for Landslovjubileet 1274 – 2024 <https://www.nb.no/landslovjubileet2024>

Verdiåret 2024 er ein del av ein "jubileumsstafett" frå 2021 til 2031. Eit anna høgdepunkt i denne stafetten vert året 2030. Då vil det bli markert at det er tusen år sidan slaget på Stiklestad, og vi feirar at Norge har vore eit rike i tusen år.

Kristenretten 1024

Under mottoet "Feira fortid - forma framtid" vert det markert at det er 1000 år sidan Olav den Heilage innførte kristenretten på Moster. Hovudmarkeringa skal finne stad på Moster 29. mai - 2. juni 2024.

Professor i rettshistorie, Jørn Øyrehagen Sunde, peikar på at kristenretten på Moster markerer ein overgang frå eit tidlegare maktsamfunn til eit rettssamfunn. Træljar skulle bli kjøpte fri, og folk fekk rett til å kvile på søndagar og heilagdagdar. Born kunne ikkje lenger bli sette ut for å døy,

og fleirkoneri vart forbode. Kvinner fekk også etter kvart rett til samtykke i ekteskap.

Menneskeverdet sto i sentrum i tråd med det religiøse fundamentet som kristendommen førte med seg. Det byrja ein prosess. Meir fridom, meir rettsvern. Då dette først blei innført, hadde det ikkje nok effekt. Men det vart sådd eit frø. Det utvikla seg sakte, seier professoren.

Magnus Lagabøte si landslov 1274

I 1274 samla kong Magnus VI for første gong heile landet under ei lov. Magnus fekk tilnamnet Lagabøte, «den som reparerer lovene». Sentralt i bakgrunnen for lovgjevinga til kong Magnus, var "dei fire guddomelege søstrene" (miskunn, sanning, rettferd, fred) som vi finn i omtala i Salme 85,11: "Miskunn og sanning skal møte kvarandre.

Rettferd og fred skal kysse kvarandre".

Denne Landslova bygger tydeleg og klårt på Kristenretten frå Moster 250 år tidlegare.

Historisk forankring og samtidig relevans

På Kyrkjemøtet i Trondheim i august i fjor tala vår biskop, Ragnhild Jebsen, til møtet, og hennar hovudpoeng siterer vi her:

«Kristenretten, vedteken på Moster, innebar

reglar om kristen livsførsel, om fredeleg konfliktløsning, om samfunnsstyring, og om organisering av kyrkja.

Det var kongens biskop, biskop Grinkjell, som utforma kristenretten, men det var kong Olav Haraldson som sikra at den vart vedteke. Resultatet vart ei varig endring av normgrunnlaget for den framveksande norske staten.

Med kristenretten kom ideen om at det finst noko som er rett, uavhengig av makttilhøva i samfunnet.



Mosterkrossen, Vetahaugen.



Det gjorde at svake grupper i samfunnet som i utgangspunktet ikkje hadde makt til å påverke lovene, kunne få rettar og vern likevel.

Dette er ein tankegang som vi i dag finn som grunnlaget for Dei europeiske menneskerettane.

Eit jubileum for å markere innføringa av kristenretten må både ha ei historisk forankring og ein samtidig relevans.

Den norske kyrkja må også finne sin veg inn i jubileet, og stake ut ei retning for kva ein vil vektlegge og fremme av tankegods og verdiar i samband med markeringane.

Aktualiteten i kristenretten syner seg mellom anna i vissa om at kvart menneske er skapt i Guds bilete. Ut frå denne tanken vaks det fram ei plikt til å syne omsorg for den svakaste mellom oss, men óg ein ide om individet, dets rettar og verd.»

Fylkesordførar Jon Askeland på gudsteneste i Knarvik: – Linje frå 1200- talet til i dag

Tekst og foto: Øystein Skauge

Kveldsgudstenesta i Knarvik kyrkje den 28.januar sette også fokus på jubileumsåret 2024.

Prost Helge Taranrød leia gudstenesta, men sjølv preika denne kvelden, var ein samtale mellom prosten og fylkesordførar Jon Askeland. Dei fleste er kjende med at Askeland bur på Radøy, og slik høyrer heime i ein av kyrkjelydane her i Nordhordland.

Fylkesordføraren er også leiar av jubileumskomiteen for landslovjubileet i Vestland fylke.

Jon Askeland peika i denne samtalepreika på viktige historiske røter som framleis ber frukter inn i vår moderne samtid. Ved Magnus Lagabøtes landslov, som altså kom for 750 år sidan, var fundamentet denne bibelske teksten om dei fire guddommelege søstrene som vi høyrer om i Salme 85, 11:

"Miskunn og sanning skal møte kvarandre. Rettferd og fred skal kysse kvarandre".

- Framleis må det vere slik, seier fylkesordføraren, - at når nokon skal førast fram for ein domsstol, så skal desse fire verdiane konsulterast før dom vert sagt: Dommen må tuftast på sanninga. Den skal bere i seg miskunn. Dommen skal byggjast på rettferd, altså ikkje vere unødige streng.

Og ein dom må føre med seg fred. Ein for hard dom kan lett slå kontra og medføre ufred.

Askeland meinte at det går ei linje frå denne loven som kom på 1200-talet, fram til i dag.

- I dag møter samfunnet vårt for eksempel papirlause flyktingar eller asylsøkjjarar. I møte med desse er det eit viktig spørsmål om vi som rettsstat kan møte dei slik at dei får oppfylt sine grunnleggjande menneskerettar, målt etter nettopp desse prinsippa: Miskunn - sanning - rettferd og fred.





Rachelle (t.v.) og Sanaa er begge glade for at landsbyen Deir El Ghazal no har fått tilgang på reint vatn. Vatnet kjem både libanesarar og syriske flyktningar til gode. Straks er det tid for Kirkens Nødhjelp sin fasteaksjon, der over 40.000 konfirmantar skal ut å gå med bøsse for reint vatn. (Foto, denne og neste side: Kirkens Nødhjelp)

Hjarte for vatn for Kirkens Nødhjelp sin fasteaksjon

I Libanon manglar mange vatn, ein av dei var 15 år gamle Rachelle El Debs.

– Eg elsker familien min, landsbyen og landet mitt. At eg kanskje må forlate alt, er heilt forferdeleg å tenkje på, seier ho.

Vi er i Deir El Ghazal, heilt på grensa til Syria. Berre fjella skil. Her kunne dei sjå kampene gå føre seg mellom IS og libanesiske styrkar.

– Sjå kor vakkert det er. Det er den vakraste staden på jord, ikkje sant? Fjella, dalen, trea. Eg kan ikkje kome meg fort nok ut i naturen, smiler Rachelle El Debs og ser utover Bekaadalen.

Libanon er eit land som står i mange krisar, og spesielt ungdom som Rachelle får kjenne det på kroppen.

– Det er vanskeleg for alle, men det vondaste er at det ikkje er noko framtid for oss her. Vi unge må reise ut for å få jobb.

I 2019 kollapsa økonomien i landet, folk mista alle sparepengane sine og det offentlege tenestetilbodet krasjlanda. Ein lærar gjekk frå å tene rundt 25.000 kroner i månaden til tusen kroner i månaden. I 2020 var hovudstaden Beirut råka av ein massiv eksplosjon som

mellom anna øydela landet sitt viktigaste kornlager. Så kom covid og no ligg heile landet med brekt rygg. Arbeidsløysa er skyhøg, helsetilbodet elendig og unge velutdanna flyktar frå landet.

– Eg vil vere her i Libanon saman med familien min, men eg har nok ikkje noko val. Skal eg få meg ein jobb, så må eg reise ut.

Området Rachelle bur i har vore utan vatn i 40 år, og alt drikkevatt har kome med lastebil ein gong i veka.

I dag har Rachelle tatt oss med på tur opp i fjella, vi er på 1300 meter over havet. Ein av hobbyane hennar er å gå på tur i fjellet, og ho er opptatt av å nå målet med 10.000 skritt kvar dag.

– Eg er opptatt av å halde meg i form, og å gå har hjulpet meg masse. Eg tenkjer klårare og kjenner meg mykje betre etter ein fjelltur, smiler ho.

Turen er ikkje tilfeldig valt, ho vil nemleg vise oss ein vasstank på 800.000 liter, som gjev vatn til landsbyen hennar på nesten tre tusen menneske. Både syriske flyktningar og libanesarar.

Heilt til 2020 var landsbyen utan vatn. Dei hadde ein 300

meter djup brønn som stod ubrukt fordi det korkje var pengar til straum eller diesel til å drifte han.

Takk vere Kirkens Nødhjelp sin fasteaksjon kunne Kirkens Nødhjelp syte for reint vatn til landsbyen til Rachelle. Dei siste tre åra har vi bygd eit solcellepanel, ein vasstank og kopla til vassrøyr. Ein av dei som har stått for utbygginga, er vass-sjefen vår i Libanon, Sanaa Al Asaad. Ho er sjølv frå Syria, og for henne er det ekstra viktig at både flyktningar og lokalsamfunn får nytte godt av vatnet på grensa til heimlandet.

– Vatnet har vore heilt avgjerande for landsbyen min, og eg som går så mykje på tur, drikk vatn heile tida, seier Rachelle og smiler bort til Sanaa.

Bli med på Kirkens Nødhjelp sin fasteaksjon.

- Kirkens Nødhjelp har svart på humanitære behov i Libanon sidan 2013.
- På grunn av krig i nabolandet Syria har Libanon sidan 2011 opplevd ei massetilstrøyming av flyktningar. Dette gir eit enormt press på infrastruktur. Med den økonomiske kollapsen i 2019 og eksplosjonen i Beirut i 2020 er dei humanitære behova framleis store.
- Kirkens Nødhjelp sitt arbeid i Libanon fokuserer på to tema: vatn, sanitær og hygiene; og kjønnsbasert vald.
- Kirkens Nødhjelp sitt klimarobuste vatn-program omfattar tilgang på trygt vatn gjennom boring og/eller rehabilitering av brønnar og/eller vatnforsyningsnettverk, bygging av vatnreservoar og vatntransport.
- Kirkens Nødhjelp har vore i front når det gjeld å bruka grøn teknologi, som solcellepanel for pumping av vatn, og rettar seg også mot miljøsanering for å ta tak i og minska utfordringar i samband med kloakkvatn og fast avfall dei fleste stader i Libanon.
- Midlar samla inn i fasteaksjonen bidreg til at dette viktige arbeidet kan haldast oppe.

Aktivitetar i samband med fasteaksjonen:

Lindås sokn:

Konfirmantane sin innsamlingsaksjon tysdag 19.mars frå kl. 17.00

Knarvik sokn:

I år vert det digital fasteaksjon, ikkje bøsseaksjon. Det kjem meir info på heimesida til Knarvik sokn. På gudstenesta i Knarvik kyrkje 17. mars går takkofferet til Kirkens Nødhjelp.

Radøy sokn:

Kyrkjelyden har dør-til-dør-innsamling tysdag 19. mars.



EL.INSTALLASJON - INGENIØRTENESTER - SERVICE



Torvhusmyrane 6
Nordhordland Næringspark
5913 Eikangervåg

Tlf: 56 34 24 30
E-post: post@helland-elektro.no
www.helland-elektro.no
Foretaksregisteret: NO 986 751 718 MVA



SIKRINGEN
- din elektriker

Torsvik Elektro AS er total-leverandør av elektroinstallasjoner i Alver

Vi utfører:

- Bolig og industri • Alarm
- Billadere • Adgangskontroll
- Tele/data-nettverk •
- Automatisering •
- Godkjent for kontroll av el. anlegg



Torsvik Elektro AS / Lager: Olsvollstranda
Tlf: 56 38 50 00 / www.torsvik.no / post@torsvik.no
KVALITETSBEVISST – LØSNINGSORIENTERT – SAMARBEIDSVILLIG



Bygg Team VEST AS



Alt innan tømrarfaget!

Fredagskaféen på Ostereidet

På Ostereidet har vi Fredagskafé. Faktisk en legende i levende live!

Tekst: Turid Bergsagel Hølleland

Foto: Audun Hølleland

Hver fredag møtes ungdommer for å henge med venner, prate, spille, snope litt og bare være til. Og med rom for refleksjon og ettertanke.

Lang historie

Fredagskaféen ble startet i 1990, omtrent. Forløperen var at konfirmantkullet i 1989 fortsatt ville møtes, og det ballet på seg til å bli Fredagskaféen. Paul Eknes var sivilarbeider i menigheten den gang og fikk oppdraget om å lage en struktur rundt dette. Mange frivillige har vært aktive i 10-20 år. Og disse har lært opp ungdommer til å assistere, delta og lede oppgavene. Nå er det andregenerasjons frivillige som har stafettpinnen. Og andre generasjon som går på fredagskaféen!

På besøk

En fredagskveld i januar i år besøkte vi kirkekjelleren på Ostereidet. Ungdommene er i gang: De spiller brettspill og biljard, snakker og ler. Ingen mobiltelefoner er synlige.

– *Hvorfor kommer dere hit?*

– Det er kjekt å møte andre uten at det er skole eller forpliktelser. Og å prate, eller gjøre noe sammen. Enten å spille biljard eller bordtennis. Eller brettspill. Alle var opptatt av prat eller spill. Og kjekt å møte venner fra andre bygder i Ostereidet kretsen. Og så har vi fantastiske ledere: De bryr seg, prater, spiller og er tilstede for oss. De gir oss et fellesskap.

Andakten

– *Og hva med andakten da, kjedelig eller?*

– Folk gjør som de vil, og det er den personlige interessen der og da som bestemmer. Det er helt greit å være tilstede.



Og det er helt greit å ikke delta. Folk er fri.

Det er forskjellige som holder andakten, de kjekkeste er der vi deltar og blir engasjerte. De har tydelige og givende tema. Som nå de siste gangene om «vennskap», «håp» og «fred».

Etter andakten fortsetter praten og aktivitetene. Latteren sitter løst. Dette er et godt sted å være: Romlighet, nærvær, glede og møteplass.

Ettertanke

Fredagskaféen er en møteplass uten krav. Ingenting skal presteres – det er samvær og et sted å være til. Og bli kjent med andre.

Fotografen og jeg tusler ut og møter en liten gjeng utenfor som står og snakker. Alt er rolig, fredelig og fint. Så godt av vi har møteplasser. Slike steder kan vi behøve alle. Og over oss lyser stjernene.

Kaféen startet rundt 1989. Konfirmantkullet det året ønsket fortsatt å møtes. Dette vokste til å bli Fredagskaféen. Det er de frivillige som har drevet kaféen i alle år.

Dørene åpner klokken 20. Brus og snop, og kanskje litt pizza er satt fram for salg. Spillene er klargjort.

Omtrent klokken 21:30 starter andakten og klokken 23 er dørene stengt.

Antall ungdommer varierer med vær og vind – fra rundt 20 til 80+.

Påskeandakt

Av Torbjørn Sæle. Sokneprest i Masfjorden

Eg er glad i påska, så kanskje kan eg kallast ein påskevenn. Eg likar å oppleva påskedagane i kyrkja, som prest eller annan gudstenestedeltakar. Eg er også glad i ein påsketur til hytta på fjellet, på ski eller å kjenna at det varmar og vårast ved fjorden.

I Bibelen er det nokså få, men veldig kjente ord, om då Jesus vart født. Vidare står det knapt noko om oppveksten og dei rundt tretti første leveåra hans. Men påskeveka, hans siste som menneske på jorda, vert utbrodert side for side i dei fire evangelia. Det er naturleg, for Bibelens påskeforteljing rommar så mykje. Karsten Isachsen oppsummerte det treffande ved å seia: «Påska er heile livet på éi veke.»

Bibelens påskeforteljing er så menneskeleg og livsnær og så full av kontrastar. Det er jubelrop og glede, det er måltidsfellesskap og svik, utlevering og lidning. Nederlag og fortvilning, mørke og død, sorg og tårer.

Før det heile snur, og det utrullege skjer! Ved morgongry på påskedag, ein ny dag med nytt liv. Grava er tom, og Jesus står opp igjen! Lyset vinn over mørket. Livet sigrar over døden.

Det vert sagt at jula varer heilt til påske. Sjølv om mange julelys kan skina langt inn i eit nytt år, så stemmer det vel ikkje heilt. Men for Jesus gjekk vegen frå julekrybba til påskekorset, til grava og tilbake til livet! Høgtidene heng saman.


I ein del år har eg gått inn i påskeforteljinga frå disippelen Peters sitt perspektiv, gjennom tekst og tonar i påskkonserten «Peters påske». Fiskaren Peter er den første som tek sjansen på å slå følgje med Jesus og bli betre kjent med han. Peter kastar seg utpå, får ei bratt læringskurve, opplever mange undergjerningar og seier til Jesus: «Du er Messias» (Markus 8,29). Seinare, i ein pressa situasjon, nekter Peter tre gongar for at han i det heile tatt kjenner Jesus. Og neste dag dør Jesus.

Ein disippel som Peter var eit vanleg menneske – som oss. Eit menneske som også bommar, tenker og gjer feil. Kanskje kan det gjera bibelforteljinga endå meir interessant? I møte med Jesus er det nye sjansar. For Peter og for deg og meg. Det er plass til oss i flokken rundt Jesus.

Den Jesus som kjem tilbake frå døden, har framleis omsorg for Peter. Gjennom eit nådig blick og ein viktig samtale i Joh 21,15-21 kan det som gjekk galt, setjast i stand igjen. Peter som hadde nekta tre gongar på at han kjende Jesus, får no tre gongar seia til Jesus at han har han kjær. Så gjev Jesus utfordringa på nytt og seier det same som første gong han møtte Peter: «Følg meg!». Eit nytt kapittel startar.

Påskebodskapen er full av liv og håp om at noko nytt og godt kan få spira fram. Også for oss og gjennom oss.

Takk, Jesus! Deg være ære, du som er Herre over dødens makt!



Carl Heinrich Bloch (dansk kunstnar) 1834-1890:
Peter fornekter Jesus

RISNES
ELEKTRO AS

Elinstallatør • tlf. 56349620

AMFI
KNARVIK

KULTUR- KALENDER

12. mars

Sæbø kyrkje kl 19:00

Tysdagstreff. Stine Karin og Torbjørn Sæle. Tema: Trusspråk. Kveldsmat

16. mars

Knarvik kyrkje kl. 19.30

"Gåten om korset" - en påske-konsertforestilling med Garness, band og koret Redeemed. Konsertserien er et samarbeidsprosjekt mellom duoen Garness, forfatter Jostein Ørum og Stefanusalliansen. Billettsalg på ticketco.no og i døra.

16. mars

Manger kyrkje kl 16:00

Familiekonsert med Manger barnekor og Bjarte Leithaug. Gratis inngang, kollekt ved utgang

23. mars

Lindås kyrkje kl. 18.00.

Påskekonserten «PETERS PÅSKE». Tekst: Torbjørn Sæle. Musikk: Ove I. B. Danielsen, Vibeke Bjørndal Midttun og Stine Karin Sæle.

Billetter ved inngongen.

Arr. Lindås sokn i samarbeid med «Peters påske».

9. april

Sæbø kyrkje kl 19:00

Tysdagstreff. May Bente Stuart Matre, tema:

Gudstru og skam.

Kveldsmat

21. april

Knarvik kyrkje kl. 19.00

Konsert med Alversund kammerkor og Sola Fide.

16.juni

Manger kyrkje kl 17:00

Radøy damekor sin sommarkonsert.

Rytmegruppa «Trommeklang» og dirigent Ann Christin Hoen.

22.juni

Manger kyrkje kl 19:00

Sommarnatt ved orgelet

John William Kay

Organist William Kay innbyr til orgelkonsert i Nordhordlandskatedralen.

**FLOTTE BILDEBØKER MED
MENINGSFYLT INNHOLD**




Idar Simonsen

Det vi har sett og hørt

Boken speiler livet til apostelen Johannes og opplevelser fra hans samtid. Med inspirasjon, både fra Bibelen og fra reiser til Israel og Patmos, er fortellingen tatt form. Begivenheter fra livet til Johannes, sammen med Mesteren, er flettet sammen med bibeltekstene til en helhet.

Kr 279,- Nå kr 149,-

Innbundet • farger



Idar Simonsen

Glimt av himmel

Korte betraktninger og bibeltekster til oppbyggelse for leseren. Idar har gjennom sin jobb møtt mange mennesker i siste fase av livet. Her deler han hvordan disse stundene var. Dette er en bok som gir håp om en lys fremtid.

Kr 279,- Nå kr 149,-

Innbundet • farger


Idar Simonsen

Faste steg

En vandring gjennom fastetiden og påskeuken, sammen med Jesus og disiplene, på vei fra Galilea til Jerusalem, og en vandring med israelsfolket fra utferden fra Egypt mot det lovede land.

Kr 249,- Nå kr 149,-

Innbundet • farger



www.venturaforlag.no

Gratis porto for kjøp over kr. 300,-



Ventura

Bøkene får du kjøpt i din lokale bokhandel eller på www.venturaforlag.no

Neste nummer kjem frå trykkeriet 5. juni 2024. Frist for å melde frå om arrangement til kulturkalenderen er 30. april.

VIL DU BLI MED PÅ SPRÅKKAFÉ?

På Radøytunet er det mange flyktningar som gjerne vil læra norsk. Diakoniutvalet har fått i gang språkkafé.

Ta kontakt med diakon Gudveig Kartveit Sundsbø,

Maria Magdalena

– den første misjonæren

Tekst: Kristin Mestad for misjonsutvalet.

Illustrasjon: Etter Heinrich Hofmann, publisert på bibelkort, via Wikimedia Commons

Er det ein samanheng mellom påske og misjon? Ja, alt!

I evangelia er det mange forteljingar om korleis Jesus møtte menneske. Han såg dei, rørte ved dei, tilgav synder, helbreda og løfta dei opp. Dei menneska Han rørte ved, gjekk eller sprang frå møtet med liv som brått var endra. Dei fortalde gledestrålende om det som hadde skjedd med dei.

Maria Magdalena kom til Jesu grav den morgonen han var oppstått frå dei døde. Han som hadde endra livet, tatt bort skamma og reist henne opp. Han som var ein nær ven og meister. Ho hadde sett han døy og ho sørnga. Håpet var ute. Men så skjedde det der i hagen. Ho møtte Han. Når Jesus seier namnet hennar, forstår ho kven han er. Men dette var då heilt uforståeleg, ja umogeleg.

Kanskje brikkene fall på plass for henne. Var det dette han hadde snakka om? At han skulle vinne over døden. At han var Messias og Gud. Etter møtet sprang Maria gledestrålende, om enn litt tvilande, til dei redde læresveinane. Ho var den første misjonæren etter at Jesus hadde stått opp. Den første som delte dette fantastiske og utrulege. (Johannesevangeliet kap 20)

Har Jesus rørt ved deg? Har han endra ditt liv? Kvar påske minner oss om at Jesus sigra over døden og skapte nytt håp, for kvart einaste menneske og for ei verd som kan synast håplaus.

Å dele det Jesus har betydd for oss, og vere med å røre andre menneske sine liv, er misjon, enten det skjer i Norge eller i eit anna land. Heldigvis brukar Gud oss på så ulike måtar: For nokre er det naturleg å tale og evangelisere. Andre deler gjennom gode samtaler, gjennom praktisk arbeid, song og formidling, gir pengar, hjelper medmenneske eller arbeider for meir rettferd i verda. Alt er like viktig.

NMS har som slagord at organisasjonen arbeider for å «utrydde fattigdom, dele tro og bekjempe urettferdighet».

Gjennom mediearbeidet SAT-7, får menneske i Midtausten og



Nord-Afrika bli berørt gjennom TV-program. På denne måten får dei høyre om Jesus, også i land der det er vanskeleg å leve som kristne og delta på møter og gudstenester. SAT-7 har også TV-program som tek for seg menneskerettar og korleis arbeide for rettferd, likestilling, fred og forsoning i eit område som er sterkt prega av krig og konflikt.

Ved å vere med å støtte misjonsprosjektet kan du vere med å dele vidare til andre menneske det Gud har gitt til deg.

God påske!

 **Hageland**

Søderstrøm Blomster og Hagesenter AS
Lyngvegen 1, 5914 Isdalstø
tlf. +47 56 35 17 65
mobil +47 926 08 647

KIWI mini
pris

for alle med sans for lavpris
FREKHAUG SENTER

Åpningstider: Man-lør: 07.00-23.00

REMA 1000

FREKHAUG SENTER

tlf.: 56 17 60 00



Sprell levande gudsteneste hausten 2023

Vekst og vekstsmarter i Meland kyrkje

Tekst: Solveig Westermoen

Foto: Arve Kjell Uthaug

Det ser mørkt ut for Den norske kyrkja, om ein legg tala frå Statistisk sentralbyrå (SSB) til grunn. Dei siste tre åra har talet på gudstenestebesøk falle med over ein million. Det har vore vanskeleg å få folk tilbake i kyrkja etter korona-nedstenginga. Men Meland er tilbake på same nivå som før korona.

Dei siste tala viser at over 10 000 har vore innom Meland kyrkje i løpet av 2023 og dei tilsette på kyrkjekontoret ser at det kjem godt med folk på arrangement som kyrkja set opp. Meland er tilbake til tala frå før korona. Med seg har dei tilsette 250 frivillige som skaper ei levande kyrkje og gode opplevingar.

Gjennom målretta arbeid med husgrupper, kyrkjekaffi, gudstenestelag og gudstenestarbeid ellers, trusopplæring og diakoni gjennom mange år har Meland kyrkje opplevd tendensar til vekst. Både i tal på oppmøte, men og at mange av dei som kjem på gudstenestene opplever det godt å vere i kyrkjelyden og at det gjer noko med dei. Og dette har

blitt lagt merke til, i og utanfor Norges grenser. Dei siste undersøkingane av dei kyrkjeaktive gjennom noko som heiter Naturleg menighetsutvikling (NAMU) viste nemleg så høg forbetring i indikatorane på sunnheit at det vart plukka opp av NCD, den internasjonale organisasjonen NAMU er knytt til.

Det er jo kjekt at det blir lagt merke til, seier dagleg leiar Anne Sofie Uthaug, men ho peikar på at dette har vore eit samarbeidsprosjekt mellom kyrkjelyden og dei tilsette. Prestane og alle dei tilsette har engasjert seg mykje, frivillige har lagt ned mange timar med eigeninnsats for å bygge opp tiltak som Løvegjengen, språkkafé og Open Møteplass, og folk har utfordra seg sjølv til å snakke med andre enn sine næraste over ein kaffikopp etter gudstenesta. Og ikkje minst har Gud jobba i det stille og høyrte bønene for kyrkjelyden.

Men vi er samd i stab og sokneråd om at vi absolutt ikkje har tenkt å «kvile på laurbæra», seier Anne Sofie, for det er alltid behov for å sjå framover, og folketalet veks jo i Meland, så utfordringane er store. Det er viktig å jobbe målretta og kontinuerleg, og det prøver vi på.

Med vekst kjem det og vekstsmarter. Kyrkja på Holsnøy ligg vakkert til oppe på Meland, men trusopplæringa lid av at ein ikkje har egna bygg. Kollektivtilbodet er dårleg, og alle som har køyrt opp Melandsvingane, veit at her vil ein ikkje møte andre biler på glatta. Dei nye lokala til kyrkjekontoret på Frekhaug vil hjelpe ein del, og vi gler oss veldig til å flytte inn til sommaren, seier Anne Sofie. Men aller helst vil vi ha på plass ei arbeidskyrkje nær Frekhaug senter slik at Meland kyrkjelyd kan vere i endå større grad både nær Gud og nær menneske.

Tankestrek

Tekst: Bjørn Tore Sæle

Går det mange i kyrkja?

Stadig står det i avisene om tomme kyrkjebenkar, så ein lett kan få inntrykk av at dette er fasiten. Men mange stadar stemmer ikkje dette inntrykket, tvert om. Årsstatistikken for 2023 er ferdig, og i Meland gjekk talet på deltakarar i gudstenestene opp. Totalt var det 10.496 som deltok på gudsteneste dette året. Tek ein dette talet og delar på 52 veker, blir det ca. 201 i snitt kvar veke, berre på gudstenester. I tillegg kjem alt anna i kyrkjene, som konsertar, vigslar, gravferder, aktivitetsdagar for barn og konfirmantar m.m. Det går ganske mange i kyrkja.

I Meland har vi nokre verdiar: «Mangfaldig, engasjert og inkluderande kvardagskyrkje». Det første er viktig, at det ikkje berre er mange, men også eit mangfald, med rom for alle slags menneske: Unge og eldre, snille og slemme, tolsame og bråsinde, musikalske og tonedøve, spreke og late, kort sagt alle. Meland vil ha kyrkjebenkar med mange i, og med mangfald i.

Det går ganske mange i kyrkja. Men ikkje for mange, det er plass til deg også. Velkomen!

Nytt lokale for kyrkja under bygging!

Dei fleste har sett at eit stort nytt bygg vert reist på Frekhaug senter for tida. I juni/juli skal bygget vere ferdig etter planen, og då skal det bli kyrkjekontor og nytt og større lokale i 2. etasje for kyrkja sine aktivitetar. Det gler stab og sokneråd seg veldig mykje til. Og dei planlegg no innreiing, og kva vi kan fylle lokalet med av gamle og nye aktivitetar. Informasjon kjem!



DEN NORSKE KYRKJA

Meland kyrkjelyd

Besøks- og postadresse kontor og Møteplassen: Havnevegen 31, 5918 Frekhaug. NB. Brakker fram til juli 2024.

Opningstid:

Kontoret på Frekhaug er oftast bemanna man-fre 08.30-15.00. Ta kontakt for avtale.

Telefon: 4000 1691
kvar dag kl 10.00 – 14.00.
post.meland@kyrkja.no
www.melandkyrkja.no

Facebookside: Meland kyrkjelyd

Kontonummer: 3632 07 04019

Vipps: 59301

Hugs å merka kva betalinga gjeld.

Alver kyrkjelege fellestråd

Lonsvegen 1, 5914 Isdalstø
post.alver@kyrkja.no
www.kyrkja.no/alver

Leiar i fellestrådet: Sølvi Knudsen

Kontakt

Utgevar: Soknerådet i Meland sokn, i samarbeid med Osterfjorden sokn, Mo sokn, Knarvik sokn, Radøy sokn og Lindås sokn.

Redaktør: Øystein Skauge

Lokal redaksjon: Solveig Westermoen, Anne Sofie N. Uthaug

Grafisk design: Simen Søvik

Trykk: Aksell

Framsdebilete: Sprell levande gudsteneste med 4-åringar og Levande lys hausten 2023. Foto: Arve Kjell Uthaug



Følg oss på Facebook:
[@melandkyrkja](#)



Helge Taranrød
Prost
ht759@kirken.no



John Fredrik Wallace
Kyrkjeveerje
jw734@kyrkja.no



Bjørn Tore Sæle
Sokneprest - 450 35 084
bs694@kyrkja.no



Anne Sofie Nergård Uthaug
Dagleg leiar - 404 62 647
au887@kyrkja.no



Anne Marit Fosse Dahle
Kyrkjelydspeagog - 400 01 691
ad423@kyrkja.no



Håkon Økland Kinsarvik
Spesialprest - 976 44 169
hk482@kirken.no



Gyda Matland
Administrasjonssekretær
400 01 691 · gm663@kyrkja.no



Magnus Blom
Kyrkjemusikar - 458 60 571
mb297@kyrkja.no



Mounir Sarhan
Kyrkjetenar - 471 91 961



Ruben Sæle
Diakon med ungdomsfokus
400 01 691 - rs433@kyrkja.no



Per Arne Traa
Soknerådsleiar - 415 59 121
perarnetraa@gmail.com

GUDSTENESTEKALENDER



Meland

18.02.2024 11:00

Søndagsøpe med nattverd
v. Bjørn Tore Sæle
1. søndag i fastetida

18.02.2024 19:30

Cash-messe med nattverd
v. Håkon Kinsarvik &
Torbjørn Sæle

25.02.2024 11:00

Gudsteneste med nattverd
v. Bjørn Tore Sæle
2. søndag i fastetida

03.03.2024 11:00

Gudsteneste med nattverd
v. Håkon Kinsarvik
3. søndag i fastetida

10.03.2024 11:00

Gudsteneste / «Marked for
rettferdighet» v. Bjørn Tore
Sæle
Levande Lys, nattverd
4. søndag i fastetida

10.03.2024 19:30

Kveldsgudsteneste med
nattverd v. Håkon Kinsarvik

13.03.2024 18:00

Musikkandakt

17.03.2024 11:00

Fasteaksjonsgudsteneste v.
Bjørn Tore Sæle & Håkon
Kinsarvik
Konfirmantane tek del

24.03.2024 11:00

Gudsteneste med nattverd
v. Håkon Kinsarvik
Palmesundag

28.03.2024 19:30

Gudsteneste med nattverd
v. Håkon Kinsarvik
Skjærtorsdag

29.03.2024 11:00

Gudsteneste v. Bjørn Tore
Sæle
Langfredag

31.03.2024 11:00

Høgtidsgudsteneste med
nattverd v. Bjørn Tore Sæle
Påskedag

07.04.2024 11:00

Misjonsgudsteneste med
nattverd v. Bjørn Tore Sæle
Besøk frå NMS
2. søndag i påsketida

14.04.2024 11:00

Søndagsåpent med
nattverd v. Håkon Kinsarvik
3. søndag i påsketida

21.04.2024 11:00

Gudsteneste med nattverd
v. Bjørn Tore Sæle
Årsmøte for soknet
4. søndag i påsketida

24.04.2024 18:00

Musikkandakt

28.04.2024 11:00

Gudsteneste med nattverd
v. Bjørn Tore Sæle
5. søndag i påsketida

05.05.2024 11:00

Tårnagent-gudsteneste med
nattverd v. Bjørn Tore Sæle
6. søndag i påsketida

05.05.2024 19:30

Kveldsgudsteneste med
nattverd v. Håkon Kinsarvik

09.05.2024 NB: 12:00

Friluftsgudsteneste på
Håøytoppen v. Bjørn Tore
Sæle
Helgetorsdag

12.05.2024 11:00

Søndagsåpent med
nattverd v. Håkon Kinsarvik
Sundag før pinse

17.05.2024 11:45 (uavklart tid)

Gudsteneste v. Håkon
Kinsarvik
17. mai

19.05.2024 11:00

Høgtidsgudsteneste med
nattverd v. Bjørn Tore Sæle
Pinsedag

20.05.2024 19:30

Internasjonal gudstjeneste
med nattverd v. Håkon
Kinsarvik
Språkkafeen tek del
2. pinsedag

22.05.2024 18:00

Musikkandakt

26.05.2024 11:00

Gudsteneste med nattverd
v. Bjørn Tore Sæle
Treeiningssundag

02.06.2024 11:00

Samtalegudsteneste med
nattverd v. Bjørn Tore Sæle
& Håkon Kinsarvik
Konfirmantane tek del
2. søndag i treeiningstida

09.06.2024 11:00

Løvegjeng-gudsteneste
med nattverd v. Håkon
Kinsarvik
Løvegjengavslutning
3. søndag i treeiningstida

Slekters gang

Dåp i Meland sokn

22.10.2023 Bastian Gaustad Skåtun (Knarvik kyrkje)
05.11.2023 Julia Førland Herstad
05.11.2023 Malvin Valentin Gripsgård
05.11.2023 Frøya Lyngved Hopland
12.11.2023 Milian Espetvedt Eknes
19.11.2023 Tiril Straumøy Fagerbakke
19.11.2023 Hermine Hansen Sæterstøl (Knarvik kyrkje)
19.11.2023 Linea Valle Midtøy
19.11.2023 Thea Vangdal
03.12.2023 Olivia Nesse Lyngøy (Knarvik kyrkje)
10.12.2023 Mikkel Skarestad Morken
07.01.2024 Mio Iversen Ludvigsen (Knarvik kyrkje)
14.01.2024 Jakob Eikeland Lyngset
14.01.2024 Julian Hjertås Hauge
21.01.2024 Marina Madsen
28.01.2024 Anna Fredriksen Rosslund
28.01.2024 Liam Soltvedt

Gravferder

19.10.2023 Trond Ove Kristiansen
27.10.2023 John Birger Husebø
07.11.2023 Rolf Martin Nilsen
09.11.2023 Gunn Margareth Haugsvær
28.11.2023 Rasmus Olai Åsebø
30.11.2023 Agnes Borgny Fosse
01.12.2023 Ingrid Skurtveit
08.12.2023 Ragna Margrethe Sletten Langeland
19.12.2023 Monica Drange
22.12.2023 Harry Arthur Hugvik
28.12.2023 Kjellaug Marit Sanden
29.12.2023 Lilli Irene Baarøy
09.01.2024 Ruth Nora Bøkseth Iversen
11.01.2024 Kåre Håtuft
19.01.2024 Kristian Andreas Samson Vikebø
23.01.2024 Jan-Gunnar Johannessen
26.01.2024 Agnar Andreas Sagstad